

# Ang Bahandi sa Templo

## Leksyon 18

1. **Sa dihang ang templo sa Dios naablihan didto sa langit, unsa man ang nakita sa Iyang templo?**  
Pinadayag 11:19 \_\_\_\_\_

2. **Unsa man ang nasulat sa papan sa bato didto sa arka sa testamento?**  
Deuteronomio 10:3-5 \_\_\_\_\_

Ang arka nga nasudlan sa kasuguan gipadayag sa Pinadayag isip anaa sa santuwaryo sa langit. Ang kasuguan sa Dios naglangkob sa balaod sa Iyang kinatibuk-ang governo. Ang Salmista nagpahayag nga ang gingharian sa Dios “nagmando sa tanan”, ug ang tanang mga manulunda “nagtuman sa Iyang kasuguan.” Salmo 103: 19,20. Ang Napulo ka Sugo nasulat diha sa Exodo 20:3-17.

3. **Unsa man ang makapapasipala sa Dios?**  
Roma 2:23 \_\_\_\_\_

4. **Ngano nga kini nga suheto nagtawag sa usa ka pinasahi nga pagtagad sa atong panahon karon?**  
Salmo 119: 126 \_\_\_\_\_

5. **Unsaon nato pagpakita ang atong paghigugma sa Dios?**  
Juan 14:15 \_\_\_\_\_

6. **Unsa man ang pamatuod nga kita nakaila sa Dios?**  
1 Juan 2:3 \_\_\_\_\_

“Siya nga magaingon, “Ako nakaila kaniya” apan wala magbantay sa iyang mga sugo, kini siya bakakon, ug wala kaniya ang kamatuoran;” 1 Juan 2:4

“Ug atong maila nga kita nagahigugma sa mga anak sa Dios pinaagi niini, kon magahigugma kita sa Dios ug magatuman sa Iyang mga sugo. Kay ang paghigugma alang sa Dios mao kini, nga pagabantayan ta ang Iyang mga sugo. Ug ang iyang mga sugo dili mabug-at.” 1 Juan 5:2-3

7. **Sumala sa mga pulong ni Jesus, unsa man ang atong buhaton bisan sa pinakagamay sa kasuguan?**  
Mateo 5:19 \_\_\_\_\_

“Ayaw kamo paghunahuna nga mianhi ako aron sa pagbungkag sa kasugoan o sa mga profeta; ako mianhi dili sa pagbungkag kondili sa pagtuman niini. Kay sa pagkatinuod, sultihan ko kamo, nga samtang magalungtad pa ang langit ug ang yuta, walay pagasayloan sa kasugoan bisan usa na lang ka kudlit o usa ka tulpok niini hangtud ang tanan matuman.” Mateo 5:17, 18

Isip usa ka ehemplo alang kanato, si Jesus mabinantayon sa “pagtuman sa tibuok pagkamatarung” Mateo 3:15

8. **Unsa man ang gitagna ni Isaias mahitungod sa buhaton ni Jesus?**  
Isaias 42:21 \_\_\_\_\_

Tanawa giunsa ni Jesus pagtuboy ang ikaunom ug ikapito nga kasuguan:  
“Kamo nakadungog na niini nga gikasulti... Ayaw pagbuno.... Apan sultihan ko kamo nga bisan kinsa nga masuko batok sa iyang igsoon, mahiagum na sa hukmanan...” Mateo 5:21-22

“Nakadungog kamo sa giingon, 'Ayaw panapaw'. Apan sultihan ko kamo, nga bisan kadtong magatan-awg babaye uban sa pagkaibog kaniya, nakapanapaw na kaniya diha sa sulod sa iyang kaugalingong kasingkasing.” Matthew 5:27-28

9. **Sa Iyang unod, si Cristo nagwala sa balaod sa kasuguan diin naglangkob sa unsa?**  
Efeso 2:15 \_\_\_\_\_

10. **Unsa man ang tawag sa pasko?**  
Exodo 12:43 \_\_\_\_\_

Sa mga panahon sa Karaang Tugon ang katawhan sa Dios nagpahigayon ug mga tulumanon nga naglangkob sa mga halad sinunog ug sa pagpisik sa dugo (Ezekiel 43:18). Apan samtang dili ang dugo sa mga toro ug sa kanding ang makapapas sa mga sala (Hebrohanon 10:4), kadto nga mga tulumanon mga pmaagi sa pagpakita sa ilang pagtoo ni Cristo ug sa pagbaton sa Iyang pagkamatarung pinaagi sa pagtoo (Hebrohanon 11:4, 28). Tungod kay sila lamang nahimong

landong ni Cristo, kadto nga mga kasuguan nga sa pagkakaniadto lamang dili na kinahanglan human sa Iyang kamatayon.

11. **Si Cristo gilansang didto sa krus ug nagpapas sa mga sinulat nga unsa diin kini kabatok kanato?**

Colosas 2:14 \_\_\_\_\_

12. **Apan unsa nga butang ang dili gayud pagailisan sa Dios?**

Salmo 89:34 \_\_\_\_\_

13. **Ang Napulo ka Sugo ba naggikan sa Iyang mga ngabil?**

Exodo 20:1 \_\_\_\_\_

Dili nato libugon ang seremonyal nga mga tulumanon sa moral nga kasuguan nga nalangkob diha sa Napulo ka Sugo. Samtang ang Dios dili mag-usab (Santiago 1:17), ni ang iyang mga kasuguan. Ang kasuguan sa Dios mao ang Iyang pagkamatarung (Salmo 119:172) diin Siya magbutang dinhi sa sulod kanato sa dihang Siya nagpakamatarung kanato (itandi sa Roma 3:22 sa Hebrohanon 10:16-17).

14. **Unsa nga kasuguan ang tinuod nga importante diha sa pagka Cristohanon?**

1 Corinto 7:19 \_\_\_\_\_

15. **Giunsa ni Pablo paghulagway ang kasuguan sa Dios?**

Roma 7:12 \_\_\_\_\_

16. **Sa pagtan-aw diha sa kasuguan kini nahisama sa usaka tawo nga nag-unsang?**

Santiago 1:23-25 \_\_\_\_\_

17. **Sa atong pagtan-aw sa kasuguan isip usa ka salamin, unsa man ang ipakita niini kanato?**

Roma 3:20 (katapusang bahin) \_\_\_\_\_

18. **Makahibalo ba kita ug sala kung wala pa ang kasuguan?**

Roma 7:7 \_\_\_\_\_

19. **Sa unsa pa gikatandi ang kasuguan sa Dios?**

Proverbio 6:23 \_\_\_\_\_

20. **Tungod kay ang kasuguan sa Dios nagbutyag man sa sala sa atong kinabuhi, kini nahimong usa ka importante nga galamiton aron sa pag-unsang sa atong kalag?**

Salmo 19:7 \_\_\_\_\_

21. **Sa dihang ang kasuguan magpakita kanato sa atong sala, kini aduna bay kagahum sa pagpatarung kanato?**

Roma 3:20 (unang bahin) \_\_\_\_\_

22. **Kinsa lamang ang makaluwas kanato?**

Buhat 4:10, 12 \_\_\_\_\_

23. **Dayon nawala na ba ang kasuguan tungod niana?**

Roma 3:31 \_\_\_\_\_

“Nagakalipay ako sa pagbuhat sa imong kabubut-on, Oh Dios ko; Oo, ang imong Kasuguan ania sa sulod sa akong kasingkasing.” Salmo 40:8

“Ug buot ko nga sa kausganon gayud panghimatud-an mo kining mga butanga, aron ang mga nagatoo sa Dios magaatiman sa pagkugi sa mga maayong pamuhat; kining mga butangan maayo ug kapuslan sa mga tawo.” Tito 3:8

“Kay ang suhol gikan sa sala mao ang kamatayon.” Roma 6:23

24. **Unsa man ang sala?**

1 Juan 3:4 \_\_\_\_\_

25. **Ang sala nailhan ba sa dihang wala pa ang kasuguan?**

Roma 5:13 \_\_\_\_\_

“Ang gahum sa sala mao ang kasuguan.” 1 Corinto 15:56

26. **Mao nga kung ang kasuguan gipapas na, wala na ba dayon ang sala?**

Roma 4:15 \_\_\_\_\_

Si Jesus makapapas unta sa sala ug nga dili na unta kinahanglan nga Siya mag antos pa. Ang Iya ra unta nga buhaton mao ang pag-usab sa kasuguan. Kung mahimo pa unta nga Iyang sulaton pag-usab ang kasuguan, nan wala na untay paglapas, wala nay kinahanglan sa usa nga mubayad sa sala. Nan si Cristo dili na unta kinahanglan nga mamatay pa.

Ang kamatuoran nga si Cristo namatay mao ang pinakalig-on nga pamatuod nga Siya wala mag-usab sa Iyang kasuguan. Tungod kay “Apan masayon pang mahanaw ang langit ug ang yuta, kay sa mawad-ag kahulogan ang usa ka tulpok sa kasugoan.” Lucas 16:17.

**27. Samtang ang Dios nagpamatarung kanila nga mitoo kang Jesus, sa sosamang higayon ang Dios mahimo nga unsa?**

Roma 3:26 \_\_\_\_\_

**28. Unsa ka dugay magabarug ang kasuguan sa Dios?**

Salmo 111:7-8 \_\_\_\_\_

“Ang Kasugoan ni Jehova hingpit,  
nga nagapabag-o sa kalag:  
Ang pangpamatuod ni Jehova matinumanon,  
nga nagahimo nga malaam sa mga walay-pagtagad.  
Ang mga sugo ni Jehova mga matul-id,  
nga nagalipay sa kasingkasing:  
Ang sugo ni Jehova ulay man,  
nga nagapahayag sa mga mata.  
Ang kahadlok kang Jehova malinis,  
nga nagapadayon sa walay katapusan:  
Ang mga tulomanon ni Jehova mga matuod,  
ang tanan lonlon matarung.  
Kini labing tinguhaon kay sa bulawan,  
oo, labi kay sa daghang bulawan nga hamili;  
Matam-is usab labi kay sa dugos,  
ug sa mga tinulo sa dugos sa udlan.  
Labut pa ang imong ulipon gintambagan pinaagi kanila:  
nga sa pagbantay kanila adunay dakung balus.  
Salmo 19:7-11

**Diha sa Kahayag sa Pulong sa Dios....**

- Ako nakasabot nga ang Napulo ka Sugo sa Dios mao ang Iyang pinakataas nga sukdanan sa unsa ang maayo, ug ako mipili sa sa Iyang grasya aron sa pagtuman niini.
- Ako nakasabot nga ang kasuguan sa Dios naghubad unsa ang sala ug pagkamatarung, ug dili gayud mausab.
- Ako nakasabot nga ang mga tulumanon nga nagsimbolo sa buluhaton ni Cristo sa pagtabon sa sala mao lamang ang mga balaod nga napapas human sa Iyang kamatayon.

Dugang komentaryo: \_\_\_\_\_

Pangalan: \_\_\_\_\_

Sunod nga leksyon: **Hindumi karon ang Imong Magbubuhat**